



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1611. usque ad annum 1617

Fleury, Claude

August. Vind. [u.a.], 1777

VD18 90118898

§. 75. Jacobus I. Angliæ Rex in Mariam Stuartam Matrem suam pius.

[urn:nbn:de:hbz:466:1-67313](https://nbn-resolving.org/urn:nbn:de:hbz:466:1-67313)

Sæc. XVII. tuum eorum levamen Congregationem
A. C. 1614. Regularium infirmis Ministrantium in-
 stituit, Sodalibus quarto adstrictis voto
 infirmis etiam peste affectis ministrandi,
 quod arduum charitatis obsequium ipsius
 Romæ & Nolæ in Campania contagio-
 so morbo laborantibus hilari prompto-
 que animo exhibuit, donec variis di-
 vinæ gratiæ donis locupletatus, ac vir-
 tutibus, prodigiisque clarus in cælum
 migraret, annos natus sexaginta qua-
 tuor. Porro novam hanc Congrega-
 tionem Gregorius XIII. ratam habuit,
 ac demum anno Christi millesimo quin-
 gentesimo octogesimo sexto pluribus
 auctam privilegiis Sixtus V. diplomate
 Apostolico confirmavit: ejus vero Fun-
 datorem Benedictus XIV. Sanctorum
 fastis adscripsit.

§. LXXV.

*Jacobus I. Angliæ Rex in Mariam
 Stuartam Matrem suam pins.*

*Rapin Thoi-
 ras Hist.
 d' Angl. l. 18.
 Calmet Hist.
 Univ. l. 152.
 Wilson.
 pag. 61.* **C**um Jacobus I. Angliæ Rex ex judi-
 cii actis totaque rei gestæ serie pro-
 be cognosceret, quod sola Religio Ca-
 tholica Mariæ Stuartæ Matri suæ pro-
 crimine imposita fuerit, atque unica
 mortis propudiosæ causa exstiterit Eli-
 sabethæ Reginæ ambitio, ac diadema-
 tis amittendi formido, hinc Matris suæ
 hono-

honorem, quantum posset, reparare Sæc. XVII.
 sollicitus, ei postremum debitæ pieta- A. C. 1614.
 tis officium hoc anno exsolvere consti-
 tuit, dum corpus defunctæ suæ Ma-
 tris Petroburgo Westmonasterium ad
 Sacellum Henrici IV. transferri, ere-
 ctoque Mausoleo, hanc honorificam in-
 scriptionem sepulcralem apponi curabat.

D. O. M.

Bonæ memoriæ & spei æternæ.

Mariæ Stovardæ Scotorum Re-
 ginæ Franciæ Dotariæ, Ja-
 cobi V. Scotorum Regis Filiaë &
 Hæredis unicæ: Henrici Septimi
 Angliæ Regis ex Margaretha ma-
 jore natu filia, Jacobo quarto Regi
 Scotorum matrimonio copulata, pro-
 neptis: Eduardi quarti Angliæ Re-
 gis, ex Elisabetha, filiarum suarum
 natu maxima abneptis: Francisci se-
 cundi Galliarum Regis, Conjugis:
 coronæ Angliæ, dum vixit, certæ
 & indubitataë hæredis; & Jacobi,
 magnæ Britanniaë Monarchæ po-
 tentissimi, matris, stirpe vero Re-
 gia & antiquissima prognataë. Erat
 B b 2 max-

Sæc. XVII. maximis totius Europæ Principibus
A. C. 1614. agnatione & cognatione conjuncta,
 & exquisitissimis animi & corporis
 dotibus & ornamentis cumulatissima.
 Verum ut sunt variæ rerum huma-
 narum vices, postquam annos plus
 minus viginti in custodia detenta,
 fortiter & strenue, sed frustra, cum
 malevolorum obtreccionibus, ti-
 midorum suspicionibus, & inimico-
 rum capitalium insidiis conflictata
 esset, tandem inaudito & infesto Re-
 gibus exemplo, securi percutitur,
 & contempto mundo, devicta mor-
 te, lassato carnifice, Christo Ser-
 vatori animæ salutem, Jacobo filio
 spem regni & posteritatis & univer-
 sis cædis infaustæ spectatoribus,
 exemplum patientiæ commendans,
 pie, patienter, intrepide cervicem
 Regiam securi maledictæ subjecit:
 & vitæ caducæ fortem cum cœle-
 stis Regni perennitate commutavit
 sexta idus Februarii anno millesi-
 mo quingentesimo octuagesimo se-
 ptimo, ætatis quadragésimo sexto.

§. LXXVI.